



著娛齋詩集卷之十二

發虎合編

上黨周再勲仲賜著

寶婺詩

八詠樓

齊沈約以禮部郎出守東陽郡構玄暢  
樓題八詠於其壁時號絕唱宋至道中  
州守馮侂更今名代謝時移鞠爲茂草

著娛齋詩集

發虎合編

一

久矣至其雅音鴻藻固千載如新也昔  
崔灝題詩於黃鶴有李白閣筆之稱王  
勃愛簡於滕王動都督竒才之嘆是皆  
泮奐風雅黼黻江山而况集韻學之大  
成範萬世之聲律者耶余以戶郎來守  
八婺吊昔賢之芳蹟想作賦之高風竊

步體裁深慙輦捧



八詠樓樓與浮雲齊地迴東澗野天遠發星低  
盤鬱連柯括青蔥接會稽高明出睥睨占勝俯  
雙溪雙溪拭鏡空駢橋夾兩虹棟棲仙洞霧幔  
卷赤松風帆影落窓下雲嵐寫態工猿啼哀壑  
迴沙鳥破滄濛新竒開萬象名賢昔所翫風流  
想異代文藻結光浪旣愛山水佳兼喜風土尚

懷鄉憂去國登臨翻悒快典南尉解北纓關玄  
著娛齋詩集 癸虎合編

二

暢襟層城倚危檻兮秋月清臨惠圃兮春風輕  
寒桐搖落兮愍秋草夜鶴嘹唳兮曉鴻驚浮東  
川而西顧兮嗟去朝市恨邦衣之未禴兮民瘼  
關情辭含香之侍從撫千里而非榮爰比物以  
連類若慘淡而經營揆英詞之妙麗儼八珠之  
夜明祖離騷之怨慕宣六義之和平共長山其  
峯寧偕溪韻以砮匄擅千秋之絕調洗蕪穢之

蠅聲欹戲悲王椀慷慨吊西陵寧知今視昔瓦礫等蒿藤賸有鴻章任日月同悠恒

石化羊

擲米成丹砂畫橘爲黃鶴大道不在是神仙每戲謔在昔皇初平牧羊蘭谿壑路遇方瞳翁歲甍啟寶鑰遂入赤松山玉釜烹大藥石髓凝青泥餌之金骨卓丹成隱變化形神彌綽約羝羯

著娛齋詩集

葵虎合編

三

不可問何有於箠箠其家疑已死四十年間濶一日兄忽逢倉卒驚錯愕問羊今安在白石徒磊落平聞一叱起躡躡紛罔角方知得至道造化在其握噓氣貫金石孔牡隨橐籥古之昇仙人神奇藏糟粕驅虎如驅羊鷄犬雲中作安知所牧者不化龍麟躍於是兄愧悟把臂入巖崕雙乘赤螭翔玄都誇竝萼



松化石

永康延真觀雲林闕幽蹟道院覆古松天蟠盤  
千尺鐵幹挺霜皴磔磔掀鱗赤不能遡其初靈  
氣但鬱積菁華感日月脂膏結琥珀根蟠巖骨  
深筋髓吸滋液扣之哀玉鏗質理復潤澤祇恐  
欲化龍薜荔時牽搯仙人馬自然於此曾寄跡  
來從霍桐山摩挲手頻捫云已三千年是當化

著娛齋詩集

葵虎谷編

四

爲石不知誰之爲風雷生一夕罷吼斷寒濤散  
樾削蒼碧列缺燒不燼煨煉成堅僻遂使詰曲  
姿忽化嶙峋格鬼斧雖新奇移柁猶舊脉嘗想  
秦大夫逆數期已迫幾幾恐不免倘亦罹此厄  
松齡卽云遐石壽更無斲至今覆孤亭仙壇有  
遺蹟

午月之廿一日鎖棘試童子

聖功基蒙泉如日初浮漾光氣雖未周神彩已  
磨盪沐澤以詩書六合遂彌放曲禮與孝經涵  
泳其德量日月勤就將小成非所望灑掃藏神  
聖齟齬儲卿相大學大事功躡此無由覓勿謂  
此道微搖筆移風尚得失無大小一躡同沮喪  
當其滿志時老宿斂手讓一寸數節萌千霄儻  
凌上皤皤者髯翁負氣終賈壯前輩視後生黃  
矚可抗投牘日未斜漉漫而寡當余以一日  
長繆推屬宗匠弟子蓋三千居然開絳帳烝皇  
矜濟濟心采結光浪桃李雖無言春風爲駘宕

囊螢

灌叢積雨摘蜚蟲霧縠籠輝照欲空陰火碎浮  
星宿海夜光高簇蕊珠宮葡萄宵濕熒熒露金  
泉寒生焰焰風蚌母一房胎萬顆燭天華渚正

著娛齋詩集

發虎合編

五



流虹

落葡萄

誰剪兜羅百疊香粉雲深護雪衣孃  
梅檀數片曉風細石磬一聲耳露涼  
水月照空銀世界玉樓搖曳白毫光  
參禪色相都無着夢醒羅浮一夜霜

江夜

著煥齋詩集

葵虎合編

六

積氣積水茫不辨長天浩渺風森森  
澄波月黑龜龜睡暗蒂夜寒鶴鶴吟  
一枕夢魂烟雨濶數舟漁火港灣深  
凭舷久立因底事潑刺游魚亂擲金

山中五色蝶

芳馨交集麓之涯萬蝶翩翩逐隊斜  
貝錦勻香堆繡袂金銀糝粉錯丹砂  
齊飄翠蒂雙垂手別

幻天衣五色霞只恐風吹颺不定凌虛仍化洞  
巖花

輿雨

一疋雲光白千林柏葉紅藤昏時爨石楓老欲  
燒空細雨來江口名山似剡中天南今十月還

未見賓鴻

紅玉離披入人烟尚翠微崖枯石篆盡筆冷竹

著娛齋詩集

葵虎合編

七

狔肥野飯燒冬筍行厨焙濕衣田空荒噴噴饑

雀繞膝飛

石篆一名跳魚產山中石縫狀類蟾蜍竹狔較黃鼠微大食竹根而肥二

物皆發之珍品

卽事

仄磴分松出平川卧水開江寒雲不斷山黑雨  
將來鳴犢追簑笠羣鵝唼草萊九九枝弄白翻

訝柏如梅



雨舟

跼踏蓬窓下瀟瀟凍雨中聲和柔浪碎氣裊大  
江空瘦島僵還立痴雲瀉不工翻憐輕燕子水  
面亂飛狎蘭江燕子不蠶冬日亂飛

兩日停江口淫淋殊不收欠伸無一事眠食反  
增憂蠻語多喧聒帆檣况雜揉幸猶岑寂裏相  
狎幾浮鷗

著娘齋詩集

葵虎合編

八

冬桂

桂蘭俱有四季花者

辛烈存至性玄朔舞天香廣寒無甲子秋謝不  
知霜曉入淮南苑翻疑雪盡黃

冬蘭

何草不玄黃王香尚芄芃孤根淬冰雪冷豔發  
幽墓所以聊卒歲悠哉撫宣桐懷馨涉未流庶  
幾保令終

新正于役雨雪載塗

隔谿呼船船渡遲雪片如掌撲淋漓漁艇旣稀  
不可得悍兵鼓噪復攬之停車叩涉待舟子更  
翻疊運遂逾時祥輪細篆天無隙頃刻溶溶深  
一尺變苗豈苗青成苗白練橫封無襞積老雲  
慙凍凝不飛長江波洑澌聲澀樹當醜惟倍生  
妍竹到龍鍾翻似密流形分領雪精神衆妙四  
已昏黑踏玉湯溪列炬入

茗娛齋詩集

癸虎合編

九

衢江放舟夜抵胡鎮

進艇排寥廓落日霞如茜金鱗漾圻圻射紅蒲  
江面急流放輕刀逝瞬躡飛電入夜羣動定靜  
聞崩瀨漩水天隱光氣孤影燈搖顛枕藉失東



西一艫蔽貴賤，鼉雷沸水雲。睡魚爲驚串，微息寄渺茫。暗渡龍游縣，長年忽喧噪。灘淺舟若鍊，撐曳百不動。喝侶下寒澱，五更風正慘。攪空削霜片，脫衣如赴鑊。割髓水稜纏，闔舟共氣力。人之始得轉，媿無斗酒勞。焙火亦未便，豈伊獨匪人而無肌膚。恋通宵，竟百里推挽筋力倦。明發喜維舟塔影中流見。

著娛齋詩集

葵虎合編

十

是月廿六日復買舟衢州適值大雪

陸行苦雨雪買舟順流下其初半陰晴小憇寐  
稍假拳曲忽凍醒密雪江天灑爾時疾聲涼劈  
面石尤打水立怒羣飛寒濤捲如馬銀海何茫  
茫浪盡吞天瀉篷濕舟遲重波遠雲沾惹雖復  
因其劣安坐如屋瓦憶昨走昏黑輿夫泥泥蹀  
橋斷雪水深徒涉冰若削號寒幾凍死欲宿無

栖屐更餘抵東集猷火血流赭舍輿而取楫丞  
徒戚俱寡一勞衆人逸爲謝操舟者

### 雙龍洞

金華三洞上朝真中冰壺下雙龍卽道  
書所謂三十六金華洞元之天是也雙  
龍岩丁突出可覆數百人岩側王跳珠  
鳴泉自石竇飛出竇口僅可容刀遊人

著娛齋詩集

婺虎合編

十一

仰卧其內挽曳而入腹鼻與斷齶相擦  
齟齬可怖澿泐二丈許捨舟登岸炳燿  
照之則穹然而枵哈呀窳窳恠石森列  
其夭矯而駢垂於岩丁者曰龍頭其螭  
蜷而駢垂於洞內者曰龍尾他如竒譎

之狀觸類之形而不可悉名也至於雲  
英石髓融爲翠乳玄津滴瀝溼漑薰蒸





而辱猿鶴皇家兄弟且倚赤松而姍之  
矣漫紀五字用貺雙龍山靄其吐我否  
混沌毓雙龍精氣自乳牡如劔合雌雄儔匹以  
相偶洞天未闢時泥蟠尺夔久瀰瀰徐公湖分  
派馮其右漱冽奔水壺飛虹注雲白以穴代尾  
間焉能盡翕愛帝鞭雙龍起霹靂威神抖伐髓  
坼黃輿裂石穿雲毋搜旋地軸空淵淵元氣黝

著娛齋詩集

癸虎合編

十三

亭堂麗金玉日月通戶牖人外別有天溟濛忽  
開剖鬼斧幻玲瓏森羅靡不有網緼逗一綫遂  
放神瀆走流水泛胡麻時時出洞口仙牒列名  
山清虛秘星斗龍宮徙深宵蛻骨白已朽鱗甲  
勢飛動萬年常蚴蟉幽吟蒼霧濕時聞風雨吼

講堂洞

去雙龍洞可五里攀緣崩劣而登其廠



豁視雙龍岩下稍爲不及至石理則雲  
洞深潭漏波流青綠可愛按傳劉峻字孝標平  
陽弘農原人博極羣書文藻秀出清河崔慰祖  
爲精於論謂之書淫游東陽紫巖山築室居焉爲  
巖巖山栖志其文甚美吳會人士多從其學  
衣直綌而此洞卽當日講受生徒之處也

躡屐升嶠曉曲路廻邃窻椒丘殊塊鬱轉入得

著娛齋詩集

發虎合編

十四

窈窕巖唇半隱地拄藤乃俯蹈不用烈炬輝雲  
光自回照在昔劉孝標乘烟肆永眺葺宇實在  
斯巖嶙據孤峭自謂巖穴居想像堪一笑深山  
澄靜氣文藻發神奧簷屨紛景從負笈集雲嶠  
爾時橫講席說理定泓妙徒令千載下裴圃一  
憑吊至今讀山栖隱聞遺嘯

和大行鄭輝山游仙洞

捫薜窮霧奧因探兩洞幽鴻濛誰鑿竅鷄犬忽  
通流蘭柺沙棠李山殺野簌歐最憐風日美端  
不負清游

卽事

斷溝沉水曳苔衣青草灘頭小犢肥鷺避帆檣  
衝浪起鵲爭蟲蟻逐犁飛茅茨七八間可數襪  
襖兩三人話歸久雨妨農絕及霽濕雲烘日尚

著娛齋詩集

發虎合編

十五

霏霏

蘭江徐子叔隅送瓶梅

讀史窓前損一枝筆花墨霧尚淋漓香分帙粉  
芙蓉氣艷發詩腸錦繡竒折贈翻憐春信蚤粧  
妍并遣凍蜂隨郡齋幾樹丸纒赭較此寧惟十  
日遲

總置几隨有蜂至

大雲山觀貫休畫十六軸羅漢像



善哉此十六軸者誰之筆筆筆神氣何淋漓奇  
形恠相不一足震旦都無此鬚眉一似有所悟  
能發本來真面目非若丹青家葫蘆依樣不敢  
少參差裝潢麤惡絹墨好展玩不擇隨遊嬉僧  
曰羅漢像畫是貫休師師于夢中得十五其一

照影忽足之活捉猢猻縛獅子立追所見風雨  
隨傳神阿堵何足道墨表筆外標神奇從空虛

著煥齋詩集

發虎合編

十六

中結靄撰大海聚沫成湏彌五指應化青蓮瓣  
甘露洒從楊柳枝昔有薦紳鄉先生虔請兩軸  
供樓魚夜半朗聞梵唄聲于是大佈仍送遺余  
蓋於此不能無所疑曰夢曰影已屬幻又于夢  
影覓膚皮不知何以止夢十五遺其一又何以  
照影而卽知前身爲尊者之等夷審然貫休亦  
羅漢今欲于十六軸中辨其孰夢孰影誰能分

別渥與淄是當以梅檀刻楨七寶莊嚴貯于龍  
宮天關護以霹靂蛟螭而胡無賢愚貴賤聽爪  
指垢膩之污爲或有告余者而日不可此卽邈  
邈補衲之遺慈非垢非淨無我相見身說法愍  
愚痴以平等觀爲接引隨根普度無倦時我聞  
吳道子曾爲裴旻畫鬼神先請舞劍雲中麾借  
其猛厲入幽冥颯颯墨飛不可思坡公號稱大  
著婁齋詩集

發虎合編

十七

法眼四板菩薩施闍黎今皆不可得而見見此  
已足懺哉疵其永保之無散失自有天龍八部  
爲護持

### 祝山人寫畫瓜子歌

山人名夢來蘭谿縣人年六十有二能

於瓜子面畫十八羅漢十八學士等圖

背面寫五言古風一首又能芝麻粒寫



天下太平四字或徑寸牙牌畫畢于夜  
獵圖百子圖修稷圖并書蘭亭叙于半  
面毫髮渺茫微見絢縕五色膩雖明眼  
人不能辨以西洋顯微鏡照之波稜端  
楷眉目分明真異人也顧不事干謁自  
求矜衒以故名不出閭巷一貧徹骨嗚  
乎古今之竒能絕技湮沒無傳者可勝

著娛齋詩集

婺虎合編

十八

道哉

螟睫之上固有無數國蝸角之顛闔死動千人  
此語向人多不信世界原可攝微塵蘭谿布衣  
年六旬雙眸爛爛鬚如銀歛束化工藏芥子濡  
毫運腕若有神能于一粒瓜子仁細描羅漢十  
八尊其他作圖俱稱是布景設色皆停勻一篇  
古風四十字年月落款印章新牛毛藕絲不容

筆糝糊彩暈微紛綸崇朝迅抹不隔宿老眼小  
眼看不真古來書畫如魚鱗似此竒絕精無倫  
離婁公輪弁一身顧張鍾衛各逡巡棘猴雖曰  
古無兩三年無乃大艱辛大巧恒爲造物忌此  
翁落鬼家酷貧姓名湮滅湏可惜予故表而出  
之使知小道良足珍

買刀

著娛齋詩集

癸虎合編

十九

毛錐無用處不如買寶刀縱使緱懸削相看氣  
亦豪風雷寒鐵色肝膽照吹毛夜半聞腥吼霜  
飛星正高

登釣臺

未能忽然去低回停蘭槩空山弔荒祠肅然見  
遺像道德深形容龕幢隱星象題留漭巖壁鏤  
石森弘獎流連讀未竟清風生總幌駢臺矗兩



王削立擬百丈傲岸扶老烟氣骨殊骯髒松古  
識羊裘泳鱗想綸杖逝者成古今盤石尚偃仰  
深林覆磴道撫背升其顙兩亭對翼然數武砥  
如掌千仞一振衣長嘯羣山響江聲忽洶湧洪  
濤爲簸盪舟楫浮糠芥帆影日來往開闢萬古  
胸高下陳景濤三立徒爾爲塵蟲自捨攘

七里灘

著娛齋詩集

發虎合編

二十

杪冬水程促桂席桐江舫爲乘剡溪興透迤入  
萬峯輕飈吹微霰舟遲人意慵爭流與競秀遂  
得領從容高寒排兩闥窈窕疊千重沙明搖素  
渚銀島練光鎔深寒嚴峽骨雲氣磨肩胷崩崖  
藤縛任懸壁莽昏封孃孃披崖竹亭亭倚巘松  
不有六花出寧知候是冬連巖瀑懸注飛奔垂  
王龍裂洩散羣壑百道喧幽淙灘平磯漫沒江

聲正洶洶兩臺蟲青漢停棹想高蹤

烏石灘侵曉作

晨興啟蓬牖恰對雪蒲山清氣逼寬夢心迹寂  
以閒冷翠澹無聲水石鏗洄潺

焦石灘石如覆釜色若沃焦膚理圓滑而  
撲質禿兀數丈俯瞰大江赭髓朱筋火珠  
赭王翠虬飛舞左右者鱗甲俱赤遠而望

著娛齋詩集

婺虎合編

廿一

之儼然一大萍實浮江面而來也

媧皇鞭火龍裂電燒竒石千霆鏖不化燼餘留  
骨赤紫稜刷老烟千年浸寒碧上逢赤松子呼  
吸沆瀣液擘霞綴絳囊丹砂撒狼籍至今江濤  
轉齒齒漱珊瑚

癸巳元日

重來蘭谿

霞紋疊綺幌踈窓癸巳王正殢此邦萬里晴波



搖灑水一天殘雪霽  
蘭江梅花雖老還相識  
鳥舌經春盡換腔  
卽此是家何不可  
且開泉酒倒  
鷄缸

停泊蘭陰七日  
纔春風隨我又重來  
山河不改  
當年色雲物  
新逢此地開  
羈旅再看時  
憲曆行  
踪羞上告天臺  
青烟數縷飄  
沉水消爇宣銅一

寸灰

著娛齋詩集

婺虎合編

廿二

新正六日過徐子叔隅郊園看竹

曲徑委蛇入真成  
水竹居林深常網  
月梅老側  
窺魚隣磬來清梵  
高樓聞讀書澆花  
煮茗罷此  
外不知餘

水郭山光繞踈籬  
揖此君雙楫斗酒  
畔百舌數  
聲聞嘯石尋幽句  
裁箋擘凍雲  
主人能醉客不  
覺已斜曛

讀沈仲連年兄鴈字詩凡上下韻一揮而  
就倚馬刻燭不是過也

斗酒何曾舉一揮三十篇鳳凰臺可竝鸚鵡賦  
堪傳書譜禽經錯參軍開府全慙余應閣筆黃  
鶴白雲前

題姜次生小像

精篆法鐫印章

碧落碑耶岐陽鼓耶古朴之氣其秦漢以上者

著娛齋詩集

發虎合編

廿三

耶所謂金玉其相追琢其章是爲雲壑之珪璋

徐子叔隅招遊碧山莊看梅

山莊二月光風妍紅梅白梅開爛然春鳩一聲  
柳欲綻蘭花桂花香如烟湘妃之竹青參天竹  
裏紅亭草閣穿蘿陰蘚際石狼籍一石一態俱  
可憐花花得意石竒絕風味蕭散地幽偏經營  
布置想當年松濤隔岸來耳邊笙耶瑟耶代管



絃曲欄小沼漾空碧金鱗煦藻浮清漣雲香雪  
艷薰眼醉至人况復酒如泉蒸余神骨昏思眠  
倚梅蘸墨寫新篇

時四季桂結子如丁香花已發蕊

携諸友遊蘭陰山

春陰適喜霽偶爾遊興催侶朋非豫期草率命

樽壘江頭呼艇子載酒遂潑洄雨餘水氣冷驚

風時杳來解纜悅濟橋停泊蘭陰隈讀詩靈源

著娛齋詩集

發虎合編

廿四

祠

有胡元瑞題壁

撥蒙升崔嵬陵阜橫以孤如人卧蒿

萊雲岑環四圍衢江繞之回九峯搖綵翠三洞

接風雷逍遙望城郭阡畝見紆迴秉簡續脩禊

蘭亭安在哉向陽易爲春杜鵑花已開俛仰欣

所遇遊目騁竒恢跌頂一觴咏松生萬壑哀

幽居庵藏

建文君弁貫休畫羅漢像又

石磬一叩之聲極清越飼放生豬二口已

數年矣曾有虎至

萬竹千松鎖翠隈  
重重空靄結香臺  
數聲石磬沉烟外  
不盡閒雲入殿來  
童子階前看虎跡  
老僧山後飯豨回  
金函寶軸神光煥  
時有紅霞卧碧苔

恭謁

建文君遺像髡而不冠  
方面大耳細眉平直黃

著娛齋詩集

婺虎合編

廿五

晴微鬢

不易曰維王家難况未解  
敝屣棄天下一衲飄  
湖海飛潛變兩爻  
帝釋兼千載乾符化法輪  
火藻袈裟改興亡  
風過樹掀揭散烟靄  
魚服歷九州蛟龍不敢駭  
艱貞生定慧奕奕饒神采  
方且羅大千金甌覺瓊猥  
昔人擬桎梏撒手忽自在

一絲不掛時本來赤灑灑



再觀貫休畫羅漢像

曾在大雲山聖壽寺瞻禮貫師羅漢像鬼神其  
筆世無二今遊幽居庵復有十六軸亦云貫師  
之所爲細觀更無一筆似慈容端好墨安和神  
通自在近遊戲或於頂際或於指頭放圓妙光  
糾縵浮游千縷百縷如篆隸一縷一佛坐雲陬  
天神龍神躬佝倮默無開示寂無酬散花寶鬘

著撰齋詩集

葵虎合編

共

空中舉獻琛可是衣珠不則有調獅子馴獼猴  
制毒鱗飼鵲鳩業龍弭耳於菟伏吟嘯不起風  
雲收如易假象莊寓言妙諦非可執而求大雲  
之像真如懋圓陀陀地無文字銅墻鐵壁岳家  
軍不能窺測其涯際幽居之像如說偈演種種  
法爲拈示八門五花變化竒認指認幡無有是  
一手寫出各不同孰爲後先不能識此庵原止

藏八軸散失重來又異事卽如分身普度人行  
圓仍會靈山地

拾月千葉石榴

錦焰燒霜暈未乾玄冥催火熨朝寒似憐木落  
吳江冷不數楓林幾樹丹

鳳尾蕉

鸞尾虬身鐵甲皴騰空翠羽拂紛綸夜來窻外

著媒齋詩集

發虎合編

廿七

瀟瀟雨鳳噓龍吟恣不真

方竹

耻托模稜入世圓廉隅獨飭敵霜繁幅巾道學  
談風節敬義孳孳不憚煩

珍珠蘭

鮫人江上遇三閩蚌采王香混一區誰道芄蘭  
枝是譎消藤金粟綴明珠



王蘭寶珠茶

秣齡碑碣砌寶紋瓊樓晃日氣氤氳緋袍道士  
閒騎鶴半入明霞半入雲

水仙蘭花

桂旗芝節降湘娥九畹灘頭吊泪羅拾得芷蕙  
香入佩月明織襪去凌波

吊蘭

一名風蘭不用土植以籃懸於風處  
細蓋幽媚此皆因香之似而得名者

著奴齋詩集

發虎合編

廿八

寸葉織葩浥露芬風簷冉冉忽披聞鳳生九鳳  
不成鳳暈驚鶻鷁窠入羣

鐵梗海棠西府海棠垂絲海棠

姊妹三人三樣粧纓秦隈捧太真楊絕代風流  
稱國色如何俱說是無香

雨中僑寓作

風雨瀟瀟動浹旬桃花零亂不成春故圍柳色

知多少寒食清明倍愴神

洞口碧茶經雨摘林間紫笋待雷生惟來鳩語

頻頻喚雲鎖寒江不肯晴

笋甲待雷則生謂之雷笋

過徐子仲承園亭看桃李

梅萼繁時曾啟扉無何桃李又芳菲翠留栢府

臺前色晴弄槐陰庭畔暉呼雨呼風非一鳥能

紅能白總輕肥煖烟醉眼當歸去艷影幽香亂

著嫵齋詩集

發虎合編

三九

拂衣

題姚居石小像冊子

能繪

丘壑胷中聚雲烟筆底并趣流神活潑心曠境

空明髮突疑摩頂冠危想濯纓衣沾嵐翠影墨

潑霧濤聲造化生盤礴丹青發性情樂山仁者

壽玩世酒人名閒是天曾許機忘鷗不驚非開

枯倚石慘淡正經營



鄭生貞一小像

名取夫不疚福擇其可受多才多藝而不敢馳  
驟雌其守靜無咎是宜壽

虎林詩

曉汎

水烟接島霧垂曉風徐來生紋漪扁舟從此棹  
入滄茫去中流一蓑聽所之雲香雨膩西子睡

著嫿齋詩集

發虎合編

三十

又未知爲淡妝爲濃抹鏡光雖待尚未展顰捧  
之蛾眉千頃萬頃澄玻璃泉珠迸起時纍纍  
泓容與船底滑非參差之荇菜則脆軟之蓴絲  
大魚小魚揚鬣喜一聞酒氣皆狎脊推匝以相  
隨空濛激灩蚤已合併收入詩囊裏却笑湖山  
湖樹猶然兀兀而未知

盧舍庵面臨湖水插杉椿爲池游鱗可通

出入不知何故湖魚爲網罟驅者輒投入  
其中匿而不出蠕蠕千萬頭煦沫蠢動歡  
喜跳躍游人至則揚鬣搖尾以待飼咄咄  
恠事

物命無所歸養卽殺之術西湖三千頃數罟比  
於櫛便是大鑊鑊烹飪所從出湖山足道塲鐘  
梵無虛日不能拔苦海折網開其一翼翼盧舍

著娛齋詩集

葵虎合編

三十一

庵湖光朝兜率戒定聞酸呻蓮臺皈淨律借湖  
爲說法界樊插荆篲廣方不半畝接引離斧鑕  
不知何日緣莘莘但有入聽經生智慧施食安  
餌餌一區藏極樂游泳忘怖怵不似湖水寬性  
靈反覺絀八萬四千座維摩方丈室蠕動含佛  
性貪生同蟣蝨顛聞海潮音共証無生密

斷橋



竦亘橋名斷鶴飛山是孤樓臺連倒景簫鼓入  
虛無關鎖雨晴色流通裏外湖錢塘門下路第  
一此堪圖

六一泉出惠勤上人講堂下歐陽文忠公  
曾作山中樂三章贈之坡公通守杭州乃  
勒石而銘其上

講堂一徑入孤亭千古風流韻所停香覆石林

著娛齋詩集

婺虎合編

三十一

搖冷玉色飛野竹染空青哀湍如和山中樂錦  
籀疑摹壁上銘漱齒濯纓吾不敢于喁天籟滯  
清聽

### 湖心亭

飛甍縹渺鏡光堆繡棟軒窓面面開雲裏蓬萊  
環弱水海天蜃市結樓臺波濤忽湧金銀氣風  
雨無端颯沓來冷翠空明搖不定一齊奔赴曲

欄隈

和靖先生墓放鶴亭

茅瓦虛亭在青松鶴未栖烟嵐傳韻致花鳥發  
天倪清唳雲霄歇玄裳窈廓躋深林松鼠窺荒  
藻水鷄啼石泐坡仙記苔封宰相題風螢陰火  
掣山鬼老梅携香沁重泉下覓歸華表低千年  
一丘土高並兩峯齊

著娛齋詩集

婺虎合編

三十三

龍舟競渡壬辰五日湖上觀

赭榴照湖蒲芋綿五日競渡戡龍船刻螭畫虬  
鱗甲鮮踏艫撥櫓疾于弦飛游水面勢蜿蜒錦  
幡繡帶插兩舷金鼓震噪聲闐闐以象雷電出  
重淵雲行雨施兆豐年船頭三老捩風烟小旗  
招颺麾盤旋海昏龍戰張爪拳羣水怒飛駭鱗  
鱗風霆搏擊浪三千斷橋堵立人摩肩如雲士



女赴流泉傾湖租舫預爭先  
畫舸彩鷁五綵牽  
交午錯織行俄延雲麾星節  
翩哉翻紛車騎子  
驚潺湲鳴笳伐鼓激繁絃  
金盤玉椀行瓊筵  
巨艦駢聰楫屢遷矯如長鯨  
縱百川沿堤百戲巧  
技全無柳可射但揚鞭良辰  
同樂勢分捐小船  
依隨如附羶擲鼻聊爲信賞  
錢似標奪錦羣笥  
然陰習水戰旗摩塞隱示其  
意名不傳鯢氛異

著娛齋詩集

發虎合編

三十四

息威神宣

鱮鮓

四月五月薰風迴江魚鱮魚入饌  
來橙綵雉乳  
觸箸脆玉鮓金螯香雪開日鑄苦  
茶三兩椀紹  
興老酒六七杯唇乾舌燥何足慮  
百顆一敢有

楊梅

五月廿一日携說翼兩兒泛舟南屏遊淨

慈寺瞻禮五百尊羅漢像南渡時爲僧道  
容鳩工所塑以田字殿覆之像咸出一僧  
手塑成而僧化去殿前有雙井乃法薰禪  
師以鋤杖叩之而泉涌出者

吾生櫻夙業坎壈骨諸魔智慧不周身所觸齟  
齬多因廢友待暇湖山輒數過時或棹孤舟隨  
到訪烟蘿畏暑便水際進艇指清波櫓披菱藕

著娛齋詩集

葵虎合編

三十五

蕩柄柄聞香荷遂遵雷峯塔轉入南屏阿呆愚  
掀翡翠錦壁晃輕螺旋題麗金碧雄殿鬱嵯峨  
神僧曾卓錫香水擘雲窩爰有禪和子莖草手  
搓挪幻出種種相五百尊阿羅悟入菩提窟執  
柯以伐柯神韻森宛然生氣儼嘯呵像成隨示  
寂佛界當婆娑我來禮金龕墮落頭已皤投明  
不惜軀逐焰嗟飛蛾倘借龍象力引臂拔沉痾



苦熱行

江海所浸滂溽溽騰炎毒加以月當午曦陽馳  
南陸火雲遂驕翔祝融扇其酷齷齪蹴樓居溷  
滑寄眷屬曰歸旣無期憂心如焚煇板壁苦澆  
薄破瓦不勝暴日輪停午時器具不敢觸坐見  
短檠上消盡柏油燭爍金嘆洪爐崑林嗟石玉  
何處覓清涼解脫歎蒸辱返照殢西窓炊甑立  
著娛齋詩集 葵虎合編  
三十六

可熟氣閉喘不接心惕汗如沐餘烈銅中宵蚊  
唇利于鏃明知身投鏃下帷就簟褥收扞稍不  
嚴肌膚無完肉揮紈但輾轉起行或躑躅夜氣  
還未澄東牖已升旭

移居鴛鴦亭畔

揔來成逆旅何必又移居一葉隨風浪孤雲委  
太虛刪枝延日月芟草逐蚊蟻蠟網憑羅雀窮

愁且著書

春色飄零盡携家始到來井荒無半李筐壑已  
標梅鼠恠爭巢穴蛙驚散蘚苔主人今是我異  
顛莫相猜  
顛徙東西睨鷓遷上下枝卜居詢太史筮卦得  
明夷陳壁空懸榻楊亭罷問竒卧薪無不可集  
蓼也相宜

著娛齋詩集

婺虎合編

三七

觀化閣構吳山之岑憑虛極目海天雲日  
俯仰大觀也相傳三峯張真人曾棲止於  
此一夕無風閣旁自拔一木刻成三像一  
坐一立一卧神氣如生真人遂不知所之  
壁間有石刻留題二首并玉蟾仙師募緣  
疏引一通似是箕筆初伏日避暑一遊倚  
檻披襟覺剛風寒峭日色俱冷矣



瓊樓千尺謁飛仙下界迷離隔半天暗壁尚留  
蓬島字遙沙微辨海門船芝房分得青精飯石  
鼎頻烹白鹿泉欲御風輪凡骨冷憑虛六月此  
蕭然

吳山晚眺

吳山絕頂嘯吟孤左揖長江右拱湖億井魚鱗  
俱繞麓千年王氣自名都幽香亂石埋花草落

著熙齋詩集

婺虎合編

三

日疎林響蟪蛄坐愛晚涼行且在青綠挈玉爲  
重沽

蘭江趙子丙三招遊萬松嶺般若庵和壁

間韻

碧綠青黃揔未枯竹林散聖現清癯風來籜解  
微拈笑霜落心空古丈夫結實定須成舍利掃  
魔先爲伏於菟千年法乳兒孫長王叔曾叅大

藏無

右和洪覺範禪師竹筍者

如此塵囂地而藏蘭若深閉關諸想寂卓錫一  
峯陰竹色都無染江潮演妙音倘非鍾磬發何  
處可探尋

右和米友石先生

### 拜岳武穆墓

陰風獵獵捲靈旗  
鼉鼓烟荒卧石麒麟遺恨靖康  
讐未雪千年拘不轉南枝

著娛齋詩集

葵虎合編

三十九

拂碑朗誦滿江紅  
烟烟鬚眉閃白虹爲問冬青  
無恙否六陵風雨有無中

太師簫鼓罷盤游  
葛嶺平章第亦休秦賈據湖  
終日淺何如終古帶松楸

畫般若庵圖卽爲題句贈無年上人

萬松嶺下數間屋  
蒼葦灣頭千竿竹崇聖院改  
般若庵不失西來直面目



七月十八日善利院觀潮

海門一線練光起其勢似還在百里稍之白線  
移漸西白外黑痕知是水簸蕩閃爍頃刻間水  
雷啍啍研雪山長江東流海西拒江水海水兜  
一處鯢波十萬素甲飛馬首排連怒不歸奔騰  
地圻罨聲死霜寒銀爛目無輝鴟夷橫騎白鯢  
走亂電錚錚撒珠斗羅剎崑嶼砥不住獅掀象

著娛齋詩集

癸虎合編

四

舞精靈吼驚濤拍岸岸欲頽觀者沮喪羣崩開  
浪花斜打三百尺銀坑玉屑成塵灰吳商越估  
泊萬艘無處避潮但迎潮吞天倒厯觸者碎一  
葉直犯輕鴻毛已見穿濤立水脊忽看滅頂暨  
船尾旁觀失色爲震悸舟中之人竟應銷一日

兩四相疊續綉宮蛟室無安巢秦皇南巡維此  
地錢塘險惡引舟避元兵駐沙少帝泣望潮三

日潮不至吾聞父老說明末幾年潮退咄惟異  
乃知海若自朝宗不特盈虧眺胸事

飲三茅觀

繡字金鈴動羽幢秋風萬里射虛窓高天氣象  
何清肅積水波濤自擊撞蕭縣雲開遙可辨胥  
江潮落勢初降酒酣回首西湖望南北高峯直  
正雙

著娛齋詩集

婺虎合編

四

中秋是夕月蝕

海月江城自高峯玉露寒神魚拖足練水府射  
冰丸冷暈經潮濕清輝恰霽難最憐良夜好偏  
是客中看

不謂當今夕居然有食之數盈應得損席蒲勢  
常危金粟元無恙哉生似胸時幸猶寬半夜羸  
得醉牟尼



八月十八日觀潮是日傾城出淅江千幾  
無剩地

老雪腥雷攪一堆年年此日壯觀開  
三秋水母驕何劇萬弩錢塘射不廻  
舉國如狂紛步屨沿江絕少空樓臺  
潮平雲尾垂波黑雨促肩輿歸去來

桂

著娛齋詩集

婺虎合編

四三

杭州桂花賤八月萬家黃到處提筐滿沿街  
逆鼻香菜傭俱插髻閨秀厭添粧蟾窟雲英碎人  
分玉杵霜

九日見梅

荒臺側卧老梅樹九月蟾蠟葉盡蛭稚子攀枝  
喜且驚朗開一萼最高處菊花司令連籬外桂  
花梅花爭欲代梅花太躁桂太迂風韻香光揉

一派十月嶺上開已早吐英呈身何草草柴桑  
清夢入羅浮羌笛數聲秋忽老老夫簪鬢舞郎  
當照酒輝流白玉光不知春色與秋色脚盃盃  
浪過重陽

吳園據吳山之陰主人苦於官讎自行珊  
毀聽其暢茂荒荒惟一抹喬林積石而已  
散步叩名園繚繞吳山陰入門已頽廢漠然惟

著娛齋詩集

葵虎合編

四三

荒林其勝在卷石骨氣逼蒼森磊落借山脚搜  
剔成峯岑年深漸自然爛熳碧苔侵巖壑想靜  
古淵翠時浸滂茅庵三兩間留發鐘磬音亭榭  
餘故趾驕草齊腰深桐栢交翳日晴晦常沉沉  
幽雲生無時颯響流哀禽西湖欣覲面障蔽不  
能尋高秋入九月叢桂綻黃金蒲山香氣襲此  
際宜披襟竟作山林遊遼穆亦所欽繕葺不敢



施感世爲沉吟寄賞雖倉卒已足清覓心

觀吳山紫陽庵諸石庵爲丁仙野鶴脩鍊之所

風雲萃一壑靈秀所獨秉玄化闢洞天丁斧巧  
削郢雲根錯狼籍觸顛領竒警鉅則爲獅駝搏  
躍見英猛瑣之不足名蹲沓如蛙黽疇者屬冠  
軍瑞石其最炳峭拔凡數丈盤鬱成鷲嶺稜骨

著娛齋詩集

癸虎合編

平四

扣鏗砒雲垂而霧瘦乳竇穿窳窳陰洞豁光罔  
巖壁嵌玲瓏觀天如坐井寒泉時滴瀝渟泓漚  
潛洞空翠撲人衣清幽肌骨冷飛動舞神飈激  
灑搖江影滿山覺盡頑而茲其結穎華表丁遼  
陽雲阿鍊內景丹成升紫遐蟬蛻塵累屏壺天  
遺玄踪道風吹彌永螺蒼分島色藤蓀涵深靚  
千年鶴不歸羣石如延頸瑶草滿松壇明霞至

今駢

雜言

壑中大力負藏舟竊鉤者誅竊國侯爰爰兔脫  
介雉死吞舟漏網涸鮒憂苾蕙一車騰謗牘何  
似胡椒三百斛明知虎尾履者凶柔則茹之侮  
矜獨蟬翼爲重千金輕黃鍾毀棄瓦缶鳴腐遷  
無力贖蠶室賈誼何須吊屈平

著娛齋詩集

婺虎合編

四十五

和周仲濂年兄花覓月鬼魚情鳥夢兼呈

俞企延同社

露啼烟笑想腰身艷結香飛合有神照水似將  
離倩女隔簾疑是見夫人月明林下依稀遇夜  
雨梨稍夢不真嬌鳥一羣如和夢大摺強欲挽

留春

花覓

鐵鏡懷光彩未呈玄雲裁壁見哉生妙於無處



分明有卽在虧時已具盈造化藏形元闕闡山  
河剩影蟄虛清從來遵養隨時晦六字精華蚤  
孕成 月兔

揚鬢煦沫戲清漪弄藻吞花處處宜自有風雷  
能變化何妨骨鯁性難移躍來瀾海天無涖樂  
在濠梁我不知鵬擊南溟九萬里想其滿志快

心時

魚情

著娛齋詩集

婺虎合編

四

倦飛宿羽冒烟蘿穩睡香城錦一窩幻化卽教  
同栩栩迷離揔只繞南柯江天漠漠隨縹渺霄  
漢冥冥絕網羅醒後池邊殘月墮曉風吹葉奈  
愁何 煦鵝夢

何

何

何

何

何

何

何

何

何

公

著娛齋詩集卷之十三

癸虎續編

上黨周再勳仲賜著

白龍橋閣

飛棟俯蒼溪大觀豁遐矚丹崖翼抱之嵌以玲瓏  
綠上聳駭奔雲下臨千里淥平田交紆阡林表  
露茆屋時見沙磧裏行人相嗣續橋斷多却步  
橫接杉松木洲則艸萋萋寢訛散牛犢山風  
四面來風雨何飄倏連峰淨其姿舊涼新可掬  
寒流揚素波晝夜鳴哀玉不覺翠微中遂爾延  
信宿天地固無窮俛仰此亦足

投綬後僑寓荒園漫作

有小樓接睥睨可遠眺

玉蘭將謝碧桃開百舌聲中酒數杯寄我孤雲  
身似客閒呼石丈共徘徊

容情無緒怕登樓目送長江天際流岸柳依依



汀艸綠不知何處是歸舟

春城風峭月淒淒城上夜烏饑復啼近日蒼苔  
深沒徑應知窮巷絕輪蹄

湘簾閃雨爍花紅下酒抽函讀筆叢昨夜故園  
楊柳色分明搖曳夢魂中

一番紅雨送春過蝶懶蜂稀奈哀何十八封姨  
顛撲舞怪來空院落花多

著娛齋詩集

葵虎續編

二

醉裏新篇漉漫成戲題石上不留名任教剝落  
隨風雨塗抹還須倩蘚生

凭欄雲艸入蒼茫爲放吟眸出女牆已共山中  
無曆日不知春色暗江鄉

誰將流水逗玄扃千樹桃花獨鳥鳴三洞由來  
稱福地何如此處學長生

發瑯杯子日相拈新韭籠盤間筍尖何事婺州

楚太守却將口腹累窮簷

西府胭脂綻海棠膽瓶斜插忽聞香可見無香

非定論或因鉄梗致雌黃

失題

幸猶還故我非失楚人弓骨鮮封侯相才無補  
衮工偶然成破甑不敢咄書空倚伏尋常事何  
勞弔塞翁

著娛齋詩集

癸虎續編

三

臣罪有餘責敢言吏議疎明珠疑薏苡田鼠化  
鶉鴛貝錦一萬疋含沙五百車殺人何等事慈  
母致驚歎

鳥當名啄木蟲想是寒號黽勉瘡手口漂搖鍛  
羽毛三年悲盡瘁千里乏同袍何處鳳皇是吾  
將爲告勞

人言噉橄欖余謂喫河豚守拙非難事居羶卽



禍根魚腸藏膾鯉食指動羹黿爲問攘臂者多  
非斥鷃藩

憂讒畏譏日集木履冰心節錯鋒鋌鈍時難文  
墨深謗書盈一篋買賦缺千金不謂從政者居  
然殆至今

善舞推長袖錢威赫有神不憂罹禍重最苦是  
官貧懷璧斯其罪清風亦起塵鷓鷯原瘦鷓莫

著娛齋詩集

葵虎續編

四

怪餓鷹嗔

送朱梅麓太史還朝

載筆鸞坡賦碧雞幾年太乙輟然藜應知 聖  
主虛前席定有嘉謨入拜稽待爨鹽梅儲玉鼎  
將行宰相築沙堤香烟滿袖看裁詔會見天書  
下紫泥

金肘

海錯山珍外另標食譜竒金華傳絕品天下咸  
采頤赤玉崑刀切香絨擘頰絲肥而能不膩鹹  
復含冲飴鼎奮迴韵致口鼻留風姿色借琵琶  
紫烟縈蘭蕙滋百篇一斗酒大嚼頗相宜

洞茶

古洞滋仙艸神粹流膏腴雲窩甘露漬森發青  
珊枝蒙茸琪樹側參錯芝房俱驚雷初拆甲殼

著娛齋詩集

娑虎續編

五

雨未沾濡披烟摘嫩玉炮製精分區鬼神護萌  
蘖虎豹守方偶尚方供食品 天子所資需黃  
絹鈴朱印拜表貢天都味得先天足色分醴醪  
殊益智堅金骨扶老還振枯甘滑傳菘椀清香  
泛玉壺何須飲沆瀣卽此是醍醐

祝長康過我

違時養僻掩青蘿有客排扉破雀羅白眼看人



聊玩世談天入座怖懸河異書滿腹新聞見奇  
字玄亭識更多長夏尸居何永日可能暇矣便  
相過

步祝長康

斗酒青燈話未闌醉來重出小詩看一軒風雨  
芭蕉發半沼菱花鯉鯽寒訪戴祇愁來興盡依  
劉方覺世情難與君肝膽元疇昔不是如今纔  
著娛齋詩集

癸虎續編

六

識韓

誦王文水

紹興

蘭亭勝蹟今存否君是羲之幾葉開晉代風流  
還想見茂林觴詠出新裁山陰道上行來遠剡  
水船中興不灰愧我蒿蕪深沒徑肯將蠟屐破  
蒼苔

蔣瑤仙

善繪

世外逢青眼同登八詠樓溪光寒翠竹帆影落  
滄洲我愧張公子君真顧虎頭詩成還笑傲隨  
意狎輕鷗

三徑荒蕪甚巖扉不妄開偶然來井邑因得共  
徘徊海鶴風塵外冥鴻霄漢回相期拾瑤艸何  
處是蓬萊

別錢大可

著娛齋詩集

爰虎瀨編

七

雙谿遲劍橐三月共徘徊海內逢知己花間數  
舉杯秋江雲色澹松澗鳥聲哀兩岸青山出揚  
帆過釣臺

季鷹初解綬王粲罷登樓婺嶺千巖月桐江一  
片秋長齋依繡佛敝篋伴歸舟却笑無魚者柄

栖尚自留

時長齋

有人自桐江來者采文石供我以水貯之



丹黃粉碧綺綵錯然雖不及齊安六合温  
潤晶瑩而貝錦螺青龍鱗蟹爪璀璨滿盤  
已森然有鮫室冰霜之氣矣

清華盪水魄英粹結續紛霞縷千年漬花光兩  
岸薰浸淫成異采五色爛洞沅披沙得寶母瑋  
瑰出江漬琥珀凝虬血珠璣蚌淚分龍涎纏瑤  
屑蜃甲絡珊瑚古鼎銅青片屍玉血斑殷玳瑁

著娛齋詩集

晏虎續編

八

玄黃錦貝蛤鷓鴣紋蟲齒銀蜊細波鏤雪浪棼  
拾來光尚濕貯水發氤氳躡駁粘苔荇幽涼帶  
水雲蕭然森一室蠅蚋忽崩羣助發新文藻兼  
之掃俗氛莊對增嚴冷澄觀靜見聞客思方燥  
痼爲爾盡清芬

雲黃山飯石

傳大士烏傷人卓錫松山雙檣樹下忽

見釋迦金粟定光三如來放光襲其體  
自是嘗出妙香梁大通元年帝遣迎至  
京師講經說偈多所開示及還山甘露  
降於樹感七佛相隨釋迦引前維摩接  
後經行輒聞天樂云其所住山頂常有  
黃雲盤旋如蓋因號雲黃山山固多猛  
獸大士常以餘飯擲林間飼之久之化  
而爲石其顆粒攢結者飯塊也鱉皮皴  
澁者鍋焦也碧綠瑩澈者菜葉也總謂  
之飯石

蠢愚殊堪愍有身自生戀攫噬相循環殺案無  
停轉所以禪和子葷血如毒眩一切有生衆佛  
性俱可見卽如雲黃山深林翳葦蓐白額遊斑  
斑怒舞吻常茜忽日大士來卓錫雙林院灑音

著娛齋詩集

癸虎續編

九



裊妙香金幢佛光現天人皈大乘鬼神備驅遣  
輪轉萬業空懺悔虎心善馴狎同犬豕芻豢安  
茹嚙餘粒積林間幻結金剛撰粲瑩香稻顆碧  
漬波菱片牙叉攢粉綠磊落參素絢糟粕化神  
竒瓦礫含靈變對之道念生不敢言烹割猙猛  
尚掉頭矧伊有覲面誓以身心修堅確同鍛鍊

訓杜願之

著娛齋詩集

癸虎續編

十

曾倚水壺看碧流羊裘歸去不封侯山橋花發  
人携酒玄暢春深月滿樓逸少黃庭推穎上拾  
遺詩句徧江頭年來抱膝吟梁父釣水樵雲老  
一丘

仙人杖是葛陂龍一嘯狂驚萬壑松石浪嶙峋  
曾漱齒山棲雲物接高蹤青羊白鹿時爲侶鍾  
乳胡麻厚自供咳唾忽聆珠玉響朗然手把綠

芙蓉

蟹

新從浪蓋出江皋細擣薑橙略略糟四海橫行  
初解甲一天風韻左持螯玄黃酥纏珊瑚髓金  
紫香凝玳瑁膏斗酒科頭雙白眼秋光蕭瑟碧  
雲高

白鷗

著娛齋詩集

癸虎續編

十一

竒羽破山碧雲輝展俊儀玄筋鏤玉版雪葉界  
烏絲水純流素繡粉墨照離離顧影烟霧動起  
舞揚縞蒸文禽雖五色遜爾別仙姿

佛手柑

婆娑一樹黃丈六垂千手不知接引誰妙香薰  
鼻口

拈花呈妙果一莛閒枝葉留待後人叅千年供



客秋泥雨

後庭不合栽桐樹前院何當種兩蕉秋色偏因  
愁裡劇雨聲故向客中驕洪濤欲濟無舟楫窮  
巷誰人慰寂寥一滯滄江俄二載菟裘無路傍

山椒

瑣尾泥中歎式微流離之子胡不歸蛟龍潮滿

著爨齋詩集

癸虎續編

上

吟正怒鴻鵠羽寒濕未飛種豆南山心事左寒  
裳東海道途違履霜葛屨淒涼甚欲采芙蓉紉  
薜衣

昏簷常是晝陰陰滴瀝空階不可禁雲霧何年  
開日月泥塗無計出浸淫一身搖落同秋艸數  
口飄零尚武林聞道京師彌月雨洪波汎濫丈

餘深

中秋雙谿舟中獨酌

獨倚橫谿看月明  
輕陰薄靄未全晴  
青山歛黛千巖淨  
白水浮空一掌平  
何處天香飄澤國  
欲騎赤鯉上瑤京  
扁舟汎彼常爲客  
把酒微吟殊不情

少陵老杜哭江頭  
蕭颯驚傳萬里秋  
節序悲涼偏作客  
乾坤漂泊此輕舟  
一家三處看明月  
四

著娛齋詩集

癸虎續編

七

海孤身付酒甌  
猶憶上年今夕事  
妻孥聚首在  
杭州

江行卽事

孤猿寂歷叫懸崖  
返照翻江夕更佳  
倒景亂搖山壁動  
晚嵐將暝日光排  
炊烟細裊村村白  
鳴瀑幽鏗磻磻諧  
回首向來帆過處  
網緼已被峽

雲埋



黑雲垂江雨滿天江面冥冥裊若烟松葉半林  
秋欲老岸花五色開將然錢塘餘怒潮尾到霄  
漢孤槎斗外懸不盡空濛愁極目長風萬里落  
帆前

出峽峰巒看漸疎斜風細雨入桐廬棹浮仙洞  
春前茗盤膾巖陵灘上魚列岫當牕因作畫澄  
江洗研更臨書載家敢謂舫爲米翻帙焚香且

著娛齋詩集

姜虎續編

十四

自如

扁舟八月下錢塘玉露凋林色半蒼島嶼微茫  
天渺渺鯨鯢出沒浪湯湯百川秋水輸河伯千  
古長江繞富陽夜靜孤蟾皎室冷簾蕭鼉鼓激  
鏗鏘

舟空濁浪怒風號虎爪山前潮正高世界大千  
浮芥子長年舟楫玩鴻毛江吞雨色濤聲壯舟

入虛無興致豪忽覺海天林壑宵成連移我性情勞

取桐江文石貯以甃盤同詵翼兩兒共賞  
貽爾無金玉經介久違時披髮吟江潭燦然見  
水湄采采忽盈把光怪何陸離賦質旣芳潔炳  
文多蔚竒素甃貯清水靜玩可樂饑世人賤砥  
硃披褐復猜疑明珠遺滄海寶璞蒙訕譏家家

著娛齋詩集

葵虎續編

十五

享五城魚目相矜施人棄我則取聽彼俗愚嗤  
延真松旣化之後附近十里者亦同日俱  
化爲石以故舊家之亭榭好事之收藏迄  
今往往而有錯形分肖不可殫窮余後先  
購得凡八塊柯榦脈理形色各別或腐爛  
欲朽或枯槁如骨或平截若案或皴皮連

枝或脂膏結節賦質宛然各具松之一體



猶可想見本來面目也每當窮愁莫遣牢  
騷不平之時輒林列把玩詵翼更進濁醪  
連浮大白則又愁化歡喜矣余聞道家言  
能以丹藥點石化爲精金今且點松化爲  
頑石不知馬自然當日何故作此狡獪事  
余嘗謂雲黃飯石佛菩薩之神通也永康  
松石神仙之遊戲也而皆羅致几案前獨  
差爲遺憾耳

著娛齋詩集

癸虎續編

六

是亦松羊石自宋時已經搜絕無所從得  
木公餌茯苓鍊骨成金紫旣驗翠虬翔遺蛻遂  
棄委十里幻琳瑯千年留瑰瑋謬想初化時定  
有全肢體玉樹立亭亭竒絕當難擬榮枯原石

火朝菌夕已殍

否草木  
枯落

上林豈不茂草木同腐

矣乘烟采雲母披霞收石髓蕉沫不能待名山

徒徒倚起視吾石在窮愁化歡喜不持一硯歸  
昔賢清若水亦知移山愚聊復爲爾爾橐重幸  
非錢難免鄉人鄙豈敢學米顛癖性原如此

癸巳九日

半夜聞雨聲晨興看簷雷連綿遂不絕淋浸淹  
清晝佳節逢茱萸門掩黃花候擬登保叔塔還  
覽豁膺垢泥潦阻不前坐此成淹逗昏牕惟踞

著娛齋詩集

癸虎續編

七

踣仰盼庭柯溜僦居苦頽圯等閒風日透舉家  
搜益罌百罇承滲漏滿地濺湫濕無地可遷就  
數口坐交愁開顏弄孩幼薔薇抽新榮桂樹寒  
猶茂東籬久就荒無菊可把艤何日歸去來釀  
秫爲醇酌嗟此願未諧憂心方孔疚

秋夜枯坐

殘編破硯坐蕭條銀杏吟庭葉未凋零露欲霜



先灑灑艸蟲雖咽尚嚶嚶一江明月輝相逼千  
古寒潮怒不消老眼讀書無我分素篋傳罷蕪  
蘭椒

日月陽止風雨如晦

一凍疑成雪依然雨決旬蒼雲排海氣黃葉滿  
江濱漉漫迷歸夢淒其黯小春蒙茸裘敝盡仍  
是客中身

著娛齋詩集

癸虎續編

十八

高樹雲磨響瀟瀟不斷聲酸風吹敗幌苦霧積  
頹楹檢帖函多濕看書字未清快晴纔兩日又  
復溜簷鳴

湖上峰俱隱江頭浪正飛乾坤無煖氣冰雪有  
餘威撥火分諸子搜綿絮舊衣道塗寒復梗歲  
晏料難歸

送楊沁湄先生以憲照元旦齋捧先生原

給事黃門因糾彈戇直忤 旨被謫

臬臺幕署舊批鱗新捧朝元拜 玉宸青瑣風

霜留諫艸蒼生霖雨繫征輪都人重喜看鳴鳳

聖主應知念直臣遙想當年檻折處首承湛露

沐陽春

鵬月初五詵兕携其眷先歸登舟之日便

大風雪端居永懷而作是詩

著娛齋詩集

癸虎續編

十九

逼歲舟纜發可知別緒難千愁不得語洒淚送

江干江風太顛惡急雪何漫漫浪渾魚磕撞天

遠雲淒酸遠路何足悲所憂子衣單縕袍苦絮

薄何以禦嚴寒中途逢改歲何處薦辛盤柳色

沿堤引梅花隔岸看所恃入春近陽和或可寬

靜言欲往從奮飛無羽翰

歲莫雨雪有感作



歲行盡矣客心驚  
雨雪其雱况疾聲  
冉冉年華空自老  
悠悠心事總難明  
敢言赤鳥風雷動  
不覺青衫涕泗橫  
附郭尚餘田數畝  
未知何日得躬耕

歲寒冰雪苦淹留  
屋角梅花瘦更幽  
殘帙半牀人中酒  
敝衣多病獨登樓  
十年謗譽悲磨蠹  
三黜功名笑棘猴  
春色漸江來不淺  
長安不見但

著娛齋詩集

癸虎續編

二十

雲浮

甲午立春

梅英柳色又知新  
江上猶然滯逐臣  
四五年來無限事  
三千里外未歸人  
鏤金綵翠重飛勝  
細縷青絲巧薦辛  
白雪霏霏元氣濕  
愧無郢曲和陽春

甲午元旦

是歲六十

甲午還當甲子周椒花照眼碧醺浮江雲爛熳  
搖蘭渚鳥氣金銀抱蜃樓蠻海幾年瞻北極波  
臣此日客南州乾坤許大身何用却笑從前是  
贅疣

錢塘踏燈行

憶昔上元在婺州金輪繡帶香風流虹橋蜿蜒  
三百丈飛珠對舞一雙虬去年蘭谿火樹滿燈

著娛齋詩集

婺虎續編

三

繁巷窄人氣煖芒屨野服混追隨踏遍千門聽  
絃管今年蕭索住武林冬春之交常陰陰杭俗  
上燈凡五日却當五日月如金握躡誰能坐一  
室天街無日不遊出五步十步錦烟縈千點萬  
點星毬密旋斫青竹結高棚樹簾懸牙比於櫛  
文錦坊北掣金蛇鎮海樓前繞紫霓匠心綻出  
青蓮花妙手雕香百寶苗細剪明湖漪縠紋更



擘吳山五色雲老蚌長江發光焰鰲山海上海上駕  
網緼錢塘寒潮春夜急不敵絲管聲紛紛由來  
帝王所都會至今繁華猶未艾錢王侈僭遺俗  
存宋家逸豫風流在甲第珠簾錦暈重貂房紫  
氣融風會衛霍瓊瑜暮夜光韓白鏡笳競旌旆  
考鐘伐鼓撼鮫宮牛渚然犀驚海怪郭郎鮑老  
舞郎當千人一笑春城識夜深烟火照霄紅掃  
街拾得金鈿馱金吾弛禁將跋弓行樂春宵一  
體同近日鯨波聞蠢動綢繆且莫懈元戎

看鷓鴣捉魚

江天微雪點澄漪漁人聯榜撒鷓鴣盤旋潑溯  
羣鼓噪鳴榔擊檝聲祁祁鐵翎鳥陣游江面軍  
是鸛鵝酣水戰犁庭掃穴靖流沙如飛如翰清  
海甸小魚潑刺獨啣來大魚并力劃波開攪翻

著娛齋詩集

葵虎續編

鯨窟鼉窟竄但覺逆鼻腥風迴少馬振旅戢其  
翼黑點灘頭亂晾翅船船繡尾與錦鱗換酒挈  
瓶已入市

羨碁

余性短於碁不能着一子往往爲韵人呵斥所  
厭鄙旁觀雖竟日終不解所以然竊窺諸公癖  
嗜頗甘美俯首人世絕抱精耳目歎寒暑無饑

著娛齋詩集

癸虎續編

三

渴晝夜忘刺晷山崩色不變麋興瞬不徙十喚  
不一聞周旋廢起止沈酣多得意厥味難喻指  
幾欲竄其中桃源隔流水自恨頑鈍根非特碁  
爾爾

余以不善碁致罹諸苦惱何以明其然無術破  
紛糾游戲鮮寸長其拙過鳩鳥憂來聽鬱積別  
無他謬巧擺脫百不開拳曲精神小歡場晒贅



物多藝悔不蚤假使善手談遺世有其寶萬慮  
數杯空千愁一局掃松陰流水間清簟疎簾嫋  
羲皇以上人其樂可忘老安得十九路黑白俱  
了了不敢望騫旗總北情亦好

六十初度

客金華

膏以明自煎神智鑿性孔樗櫟終天年斧斤怒  
壅腫巧慧混沌傷容容福所擁我生秉昏妄碎

著娛齋詩集

葵虎續編

三

頑少靈動十六痛失怙十七翳慈壘

生母

神骨

苦脆弱常迫霜露恐四十尚無聞醯甕游蟻蠓  
名不出里閭止知嚴玉捧迨夫玄黃際奔竄如  
驚罽七尺幾不有望外留愚懵通籍鮮最聲長  
官責闖茸麋費大官錢亦自厭駢冗崎嶇歷磴

磴風濤時洶湧公論亮無他尋亦散濛濛擇福

寧取輕菲惡安自奉膏精塞高明崑穎秘拳勇

淵默靜藏身戰兢全頂踵居常思退步不敢先  
作俑艱貞資煅煉動忍忘辱寵齒髮爲凋變筋  
力幸堅竦不意蒲柳姿猶然竊併矇駐顏無大  
藥展齡非鉛汞自愧徼天厚視息神爲悚

勞生寄石火曉葉集晨霜達人齊椿菌愚者悲  
彭殤歟矣六十春行歌樂未央回首憶平生瞬  
息馳隙光時危墮軾軻淹蹇雙谿陽骨肉不在

著娛齋詩集

癸虎續編

五

眼舉目參與商大兒遣回里小兒留在杭一女  
隔鄉閭兩歲遙相望老妻久癯疾翻覆每牽腸  
蓬蹤惟子然飄轉無定方殊域來拜賀異姓爲  
迎將門生及故吏祝嘏走茆堂平頭進蝦菜草  
草列成行朴拙澁致詞跪捧獻一觴優人楊清  
謳簫阮激鏗鏘是日竟沾醉潦倒百花旁妻孥

雖云遠所恃身健康行行歸去來沒齒甘糟糠



麋鹿適真性豐艸儘徜徉樂天盡餘年三徑未  
全荒

白碧桃

玄都觀裡雲如水玉洞壇前露似霜怪道武陵  
迷去路非關春色誤漁郎

陶三寧招飲并賞瓶中牡丹漫呈十韵

牡丹稱國色南方見絕少珍重等牟尼春風爲

著娛齋詩集

發虎續編

三六

妍好詎意柴棗家金谷來天姣紫蕤疊輕綃頰  
玉攢瑪瑙豆觴絡寶氣爛熳濃香繞逗發錦繡  
腸解釋襟懷槁合座照顏色雲光駐縹緲雷聲  
何殷殷催雨滌塵擾主人有佳興泛瀉殊未了  
旅緒雖抑騷不覺盡傾倒

富陽道中

雲峰烟嶂一層層瞥面飛過未得登何以當前

訓雅貺濡毫旋拂剡溪藤

春山欲霽晚猶寒雨氣橫江進艇寬絕壁驚風

吹瀑布斷雲裊翠出重巒

一回經過一回新不枉嘉名錫富春何事江風

俄大作剝殘刪抹另傳真

長江風起浪花浮上水歡歌下水愁順逆總由

人所遇太空原不任恩讐

著娛齋詩集

癸虎續編

三

自癸返杭寓所薔薇正爾盛開

雖然兩載寓未見春花開今歲花開日金華我

適來寶珠忍焰待餘韻尚徘徊薔薇奮新叢如

藤施老梅纖枝穿密樾森條拔長虺欣逢三日

煖已見千紅堆綉綉編鞞鞞瓔珞綴玫瑰繁藻

揚惠景竒艷羃荒臺花官數百頭侵曉喧如雷

黃頭領其雛和鳴去復回感此正得意春莫修



已催物理既如此一杯復一杯  
林斯甚

蠶繅將畢甚初肥紫玉離離照竹扉安得如鳩  
拚一醉飛凌扶木撫千圍泉州錦荔胎苞瘦金  
塢楊梅具體微猶憶家園饒十畝閑閑何以遂

言歸

宋籍田在龍山之麓其制規圓如環中有

著娛齋詩集

癸虎續編

三

小阜周廻塍界區爲八卦俗所謂八卦田  
百韻是也陽明先生作太極亭曾講學其上

出水秧針繞細泉翠華遙駐想當年天開穀璧  
占豐稔地湧金輪作輞川六子滋生環太極八  
家同井養公田前朝遺事憑誰問夏木陰陰響

杜鵑

天真書院陽明先生講堂也 神宗朝賜

額勳賢祠命有司春秋俎豆有遺像并手  
書格言尚存

聞說斯文統在茲程朱以往繼爲誰講堂手澤  
留心印絳幄春風拜羽儀一代鴻勳擒逆庶千  
年絕學倡良知後生未得親提命興起門墻願  
淑私

月巖石壁削立上有一孔如盎每中秋月

著娛齋詩集

癸虎續編

二五

圓則清輝滿隙如合璧然他夕不爾也

瘦骨刷稜排積鐵荒山蛟走墮雷楔巖唇劈裂  
一竅明石漏天驚笑列缺管窺蠡測乾象開星  
經宿緯森羅列玉繩斜度珠囊迴雲竇天門無  
曲折每當中秋月滿時清輝印合如符節山僧  
指點向余說不寧惟是尚奇絕二八月間晝夜

停朔日日光亦對絜思之其理殊難通謬謂璣



衡同一轍天開九道日月馳躔度振古皆如斯  
定有一道相脗合此隙適值無偏歆樵牧咸諳  
鬼料竅天造地設成渾儀

勝果山之椒宋殿前司營也一峰聳峙四  
望綿邈全杭形勢可八九得峰頂平坦計  
數十畝中區突起怪石兩行筍拔芝挺比  
肩夾立吳越王謂之排衙石時江干訪陸

著娛齋詩集

癸虎續編

三十

子仁甫因同遊竟日

武林旅食已二年蟲蛆糞壤溷市廛每思雄覽  
據形勝掛一漏萬竟不全偶從江干訪高隱携  
手信步入雲烟披榛撥翳人獸絕驚蛇屢竄艸  
深芊一峰嶒嶒秃以兀遂乃猿引升其顛寥寥

天宇忽開闢表表世界遙翩翩瞥得廬山真面  
目曠懷箕眼俱豁然龍山踞右鳳山左聖湖側

後胥江前胥江三折何蜿蜒海門無際浮青天  
兩峰雲氣烘日脚三竺嵐光捧黛蓮萬井樓臺  
虧日月九衢簫鼓競喧闐荒涼輦路空花艸盤  
鬱行宮迷翠阡列眉指掌無遺矚霸氣王氣同  
消湔龍虎天軍昔拱護曾閃朱旗紫極邊六師  
旣習縲腫戰禁旅仍專組練權九閩閩闔勺陳  
衛瑁秘親臨講武筵金牌已撤朱僊鎮魯港王  
著娛齋詩集

癸虎續編

三

師潰不還中原板蕩嗟淪沒誰者齒及復澶淵  
舍其藩籬守庭戶偷安眉睫殊可憐至今惟有  
排衙石閱盡千年立尚駢

勝果寺在月巖之下崇阿翼抱面臨大江  
僧處默詩到江吳地盡隔岸越山多卽謂

此也兵火壘更斧斤萃止所謂古木叢青  
靄者了不可復識矣其勝蹟有吳越王鑄



壁羅漢像臥醉石郭公泉石蟬齧殘石版

傳說前朝勝金龕翳碧蘿泉香噴雪冷石醉臥

山多月竇留禪影江聲走逝波只今荒僻甚仄

徑起樵歌

追和僧處默韻

報國寺卽宋垂拱殿至正間從楊髡之請

於宋故內建五寺以壓之而此其一也在

鳳山之陽

著娛齋詩集

癸虎續編

三三

五雲已稅六龍車寂寞荒山冷翠華珠樹秋風

摧鐵騎金鳧霜夜泣悲笳蓮花不懺興亡恨荆

棘都迷帝子家當日有基先俾壞罪魁不獨在

真伽

殿角有銀杏樹其寺鐘爲宋內故物

天山乳鳳集觚稜玉几曾瞻紫殿凭白塔雷燒

三昧火青燐腥蝕萬年燈盈廷決策堅和議當

宁何人翊中興遺恨下堂甘納幣彼時大厦已

騫崩

楊髡發宋諸陵建白塔尋被雷震後爲張士誠所毀中音仲

蓴

張翰思蓴旋解綬我今解綬始思蓴湖心遠覓  
漣漪破雉尾絲縈軟脆勺脂膩凍凝愁箸滑鹽  
豉略點入盤新雞墮鵝蓴何爲者獨此偏宜澹

遠人

鱸

著娛齋詩集

發虎續編

三三

竹厨烟冷禿無灰偶得鱸魚命饌來巨口纔離  
薄暮網秋風因接季鷹杯恰當蓴菜遺千里不  
獨松江擅四鰓奇味忽兼狂欲舞老饕賦罷莫  
相猜

擬宋內宮詞

紫端象管定窰瓶宸翰昭回寫六經中使促宣

吳詹憲續書不辨厲真形



天庖玉饌御筵珍兩箸親攢一器頻餘品整齊  
俱未觸不教殘炙與官人  
玉孩扇墜墮深齋忽見循王穩佩身詢說黃花  
魚腹得厨娘立召拜孺人  
烏漆光明拄杖輕官中常曳赫威生偶忘携得  
呼人取力舉方知是鐵精  
大比臨軒未唱名預先虔禱積精誠用人再別

著娛齋詩集

葵虎續編

三

無他路輔國多生幾俊英  
二月初旬挑菜筵金篋次第斛頭簽偶挑黑字  
羣旬笑應罰恩還賜賞偏  
君王今日御龍舟韶部官姬結束稠都下扶觀  
望行幸西湖標勝待宸遊  
宸遊原不禁民舩傍午交梭織似烟闌杆花籃  
都趕趁不特宣喚賜金錢

金盤翠釜鱸神鯨六甲行厨肉筵輕却羨蘇堤  
宋五嫂御綵親手進魚羹  
光堯原是愛湖山數踣勞民憊聖顏疊石飛來  
來上苑鑿池明聖落銀灣  
燦錦亭前花萬株兩廊鋪放效西湖天河也有  
龍舩泛風景湖光總不殊

賞花天笑倚欄杆舞袖初停興未闌齊過婉容

著娛齋詩集

葵虎續編

三五

聽撥阮玲瓏隨賜九芝冠

玉輦宸遊聚景園瑤津錦壁萬花繁從來雨露

深於海國色先沾爛熳恩

牡丹錦綻萬千叢金字牙牌各不同玉尊高放

沈香卓另插葳蕤照殿紅

龍舟五日看龍舟繡繖珠旗插兩頭只爲君王

曾喚過錦衣花帽別他儔



繡羅銀椀挂湖垓畫舫鳴鑼兩翼開節級小旗  
聲諾畢一招齊奪錦標來

飛來峰下冷泉堂看放水簾坐納涼玉椀纔調  
雪浸酒金盞復進沆瀣漿

廣殿風輪冷翠凝數盆積雪數盆冰侍臣三伏  
俱寒慄笑賜吳江半臂綾

五花同榦瑞蓮開新自湖州進貢來不獨蛾眉

著娛齋詩集

婺虎續編

三

工讒妬並頭千葉盡低回

新羅木構勝瓊瑤瑩澈雕欄駕玉橋十畝白蓮

一池月中秋端擬坐冰綃

几榻屏風盡水晶霓裳齊着素紉輕上皇促召

劉妃子纖手徐吹白玉笙

觀潮駕幸浙江亭海若朝宗護百靈鼙鼓亂搗

蛟率舞六鰲遙駕雪山熒

統制殿司閱水軍千艘列陣亂秋雲炮烟五色  
迷江面烟散船空不見羣

手持十幅綵旗新踏浪迎潮颯有神市井憎兒  
爭獻技天顏一笑賞頒頻

天申節是過重陽十日前頭先進香表上御名  
簽押了金銀珠玉列千箱

德壽殿中御幄張官家今日喚排當稱觴不用

著娛齋詩集

癸虎續編

三

從前曲新製興隆萬歲章

別選官嬪五十人僊粧清奏儼如神瓊瓊柔柔  
齊對舞云是婉容進樂新

賞菊之時便試燈接連預賞到新正就中惟有  
蘇州最五色琉璃珊瑚簇城

玉柵燈山十丈高機關人物盡飄搖寶光花影

薰天地一派僊韶落九霄



宣德門上札鰲山倒擊步輦綵雲間漏深烟火  
彌天放知是傳宣大駕還

小使頭巾裹翠蛾露臺百戲競婆婆預先府尹

邊金粉舊歲君曾召綺羅

綠萼華堂正看梅六花如鴛撲樓臺上皇動色

今皇恻各遣關支分賑來

張公洞梅苔極厚越上苔絲一尺長兩種苔梅

著娛齋詩集

癸虎續編

庚

俱絕品玉橋亭畔鬪寒香

以上高宗孝宗

仁壽重華內禪回端居絕嗜意如灰前朝寶玩

雖充物鎖鑰塵封闕不開

孝宗

到處黃門展小屏節調飲食御書銘浣衣革寫

都無斃切諫回天總不聽

寧宗

今皇望治首崇儒德秀了翁啟沃俱人號一時

小充祐太平粗復舊規模

淚粧初點粉網縕齊着開襠上馬裙貴是琉璃  
賤珠玉不知好尚忽何分

以上理宗

### 湖上醉中放歌

龍井茶虎跑泉湖白酒湧金舩看兩峰雲抹南  
屏烟臥蘇公堤柳觀放生池蓮我今搔首鬪青  
天世界何年有西湖幾人游覽誰愚賢風雲黯  
慘光烟碎冲融裊窈窕氣滃然三面浸山一面郭

著娛齋詩集

婺虎續編

三

神怪噓翕蛟螭眠緊余逐客來揮杯放舟上下  
孤裴回古來豪華俱銷歇一泓寒碧仍滌洞半  
閒堂畔惟荒艸格天閣下餘沙灰當年炙手昏  
日月波濤翕忽墮風雷夫固一世之雄耳寂寞  
而今安在哉只今惟有四賢堂清風千年俎豆  
香鬚眉呼之或欲出其人宛在水中央遇或羈  
棲而牢落風則山高與水長孤山葛嶺今俱在



不堪憑吊話斜陽知幾所以遊五湖否則鴟夷  
沈大夫金牌豈爲功勳薄福羽禍地空嗟吁我  
聞湖上有雲棲道場原是蓮池師至今衣鉢傳  
清規欣然吾欲往從之

六橋

文湖錦浪綺烟歇蒼虹僵臥髡無髮青青攀折  
知阿誰落花流水飛紅雪鶯燕無地奔香光游

著娛齋詩集

發虎續編

早

騎停鞭勒不發枚條伐盡餘汝墳灞上仍屯細  
柳軍圍人錯認桃林外日暮蕭蕭放馬羣

烹大井巷泉

挈瓶汲水華古井羣綆集一縷注壑淵分得琉  
璃色芳冽滑有餘甘白固無匹不雜海江味品  
爲城第一鼎鑄然活火洞薶出珍襲清逼几簞  
寒頓覺暑囂滌七椀未了時謾謾松風寂

蘇小小

身乘油壁車口歌黃金縷浦霧識輕鬟江柳想  
紗舞幽娟蕙葉風粉淡梨花雨荒煙香骨冷纖  
月蛾眉吐埜蔓蒙廳穴濕螢聚魑語至今西陵  
下松栢明霞舉

秋江漫興

錢塘楓落水雲空吳越山川入眼中風雨淒其

著娛齋詩集

葵虎續編

甲二

迷禹穴波濤洶涌見龍宮秋高胥子江湖白夜  
半天雞海日紅欲問秦皇維纜處寒花蔓草自  
烟叢

重過釣臺

子昔餉漁陽曾登丫髻山崇丘戴兩角天際曩

雙鬟今予過釣臺斬然聳江灣清風揚素波起

懦還廉頑重嗟十載更升墜困間關一行墮世



網僕僕羞往還上旣愧道德下亦點朝班何如  
塵塹外蟬蛻不可攀勲華尚粃糠鐘鼎如等閒  
不敢爲仰視灑泚徒汗顏

客王鶴泉有李少君之術甲午八月於  
馬惟善帥府召仙姬現形留題先於暗  
室結壇具楮墨筆研置几上乃然燈缸  
內光射壁上影卽從光中現出其衣先

著娛齋詩集

癸虎續編

四二

藍而後紅留題云斜梳雲鬢巧盤龍窄  
窄新鞣淺點紅閒倚闌干無氣力笑看  
青鳥過長空後書偶遊仙境聞香至此  
小青書次日又召鼓琴亦鏗然有聲一  
時國中屬而和之者數十人不揆形穢  
學步邯鄲真所謂唐突西子也

驚鴻還復擬游龍秋水芙蓉獨照紅自駕洛神

傳麗影纖纖羅襪又凌空

綺箋颯颯走蛇龍賦就香奩驛袖紅偶過瑤臺

風露冷月明千里浸秋空

生前幽憤鬱蟠龍雨打臙脂怨落紅今日載觀  
詩婉媚當年愁恨已銷空

是耶非耶搃猶龍香引芳魂爍暈紅人世漫傳  
窈窕句鏡花水月本來空

著娛齋詩集

婺虎續編

四十三

折芙蓉數枝挿瓶中其花初開正白色頃  
之盡變而紅嬌娘韻絕

瞥見郎羞兩頰紅非關沉醉怯秋風澄江弄影  
波光亂雲覆霞翻夕照中

玉芝山房看北山一帶

北山當面喜分明每日遙餐秀色橫靈氣鬱葱  
停灑傳神光離合變陰晴雞啼羊嚙俱仙眷鹿



伏龍吟滿化城自是藏丹遺跡地峰雲常吐白  
英英

九月梅李重開

九月天氣霜未催向陽百卉俱重胎梅花一萼  
兩萼吐郁李上枝下枝開丹黃莖葉當門舞紫  
翠晚山排闥來送酒無人籬菊禿凭欄發興有  
高臺

著娛齋詩集

癸虎續編

四十四

風雨又重陽時將去發矣

客館張燈夜漸長何堪風雨又重陽神魂乍慘  
曰將別心曲偏騷在束裝此地五年酬夙業前  
途千里載淒涼幽悰欲割還生戀吟遍秋林樹  
樹黃

常嘆林宗我弗如何言携雀與懸魚稔知自此  
當焚筆痛悔從前未讀書出處不成羞對世劍

書兩悞術原疎風塵羸得頭顱白七尺龍鍾病  
廢餘

撒手羊腸再不攀桑餘十畝足閒閒灰心以往  
隨流水披髮而今始入山兒女長成還未識室  
廬新儻幾曾還夢魂先我能飛越已繞丹崖翠

壁間

逋客頻年染世氛太行昨日有移文清谿画舫

著娛齋詩集

癸虎續編

四十五

澹紅葉古洞金仙贈白雲縱使卽親麋鹿侶忍  
令竟別鷺鷗羣我家近住龍山麓耳畔松濤已

漸聞

重陽後一日魯晉公招游武寧庵坐竹林

中看水邊紅葉

下海民間文以句

東郊埜寺竹林斜載酒林間坐水涯阮籍窮途  
雙白眼陶潛解綬幾黃花清霜勾錦翻紅浪秋



浦澄漪照落霞既醉不須愁病渴拾將松葉自烹茶

送大叅馮秋水年兄擢江南右轄

真心無批政潔已多徽猷古來經濟人得力非  
豔浮誰云三代遠直道難見收莪莪馮使君清  
氣凌素秋澹泊澄渣滓寧靜屹山丘出繫蒼生  
望身先天下憂龔黃莫畿輔韓范靖邊陲曰維

著娛齋詩集

癸虎續編

四十六

壬辰歲秉憲來癸州瘠土尚呻吟元氣未全裒  
塞淵孚血氣寬猛調競練誠積真馴鯉機忘可  
狎鷗凝神疵癘消人在羲農遊臺司憚正直多  
士樂薪標滃然雲霧中情各厭所求筆搖九峯  
秀詩發三洞幽箋經續朱呂八詠再登樓繫江  
之永矣德澤同其悠汪汪激萬頃皎月湛清澗  
之屏方倚重名姓覆金甌欲借長城畧先煩經

國籌右轄崇方岳旬宣控上游首藩雄海內應  
推第一流江寧垂福曜寶婺撤貔貅鍾山迎劔  
佩采石迓仙舟談利方猥孔理財端倚劉處脂  
應愈潔理劇定知優烟開鳳凰臺風生白鷺洲  
六朝織響後一洗綺靡柔高牙拂薇署卿月照  
藩侯頃以裕國手還調玉鼎盭勲也時旅食憊  
悴滯江頭維桑日與梓蠅翼附驛騶異國逢知  
著娛齋詩集

葵虎續編

四七

已青眸映蒯緌兩年依肺腑風雨切綢繆葵人  
驚借寇枳車競攀留謬隨父老後棠蔭賡歌謳  
題通侯杜駿武先生太霞隱居十二詠

龍驤鵠印舊鷹揚受祉弘開燕喜堂一自分茅  
錫卣後苔花閒臥綠沉鎗

止戈堂

花光竹影駐妍暉笳鼓闐闐觴正飛秉燭古人

良有以輜軒何事遽言歸

投轄序



巍峩千尺倚雲端號令九天星斗寒綸羽一揮  
旄欲落麟臺先擬畫圖看

經武臺

劉滂張博未須誇豈止縹緗積五車歲久異書  
成脉望奇光隱隱結紅霞

富文館

雕楹繡棟擬仙居蓄露香侵女校書聞道康成  
姬識字芙蓉帙粉撲輕裾

瑯嬛樓

軒軒秀色標霞舉濯濯晴輝映玉山形穢自慙  
著娛齋詩集

葵虎續編

四八

難近得水壺一片湛榆關

玉舉齋

白衲徵祥信有因應知金粟是前身蓮臺靜證  
無生果明鏡原來自不塵

雲幢洞

太霞已夢驂元鶴更築飛軒駕紫烟可道雲房  
能出世英雄回首卽神仙

烟駕軒

功成拂袖狎輕鷗笑上鴟夷半葉舟莫謂八溪  
真隱約非熊從古起垂鈎

八溪別渚

誰將五嶽縮真形芥子須彌事不經萬壑烟霞  
半峯石虛空下視本零星

五嶽小山

黃石陰符盡活機縱橫變化自精微廣韜閣下

搜玄秘千古兵家屬範圍

廣韜閣

函三爲一昔曾云四聖同歸則翺聞會得源頭

融乳處江湖河海并無分

會教庵四聖者合  
呂尚父

癸巳秋從祝長康處讀丁麗三告歸賦因

著娛齋詩集

癸虎續編

四九

嘆負遺俗之累者恒磊落而多英且楚人

猶善楚詞抑何其委婉多風悲憤流連也

麗三固寓柯迨甲午秋余復過婺州則見

其又徙家於婺猶然未歸也詢之曰故園

兵燹無家可歸矣悲夫嘗讀孟襄陽詩有

云北闕休上書南山歸敎廬不才明主棄

多病故人疎與麗三若出一轍而麗三亦



自目爲浩然後身當必有神相秘契者矣  
時余披髮行吟憔悴江潭之上實同病相  
憐因漫賦以贈

頃讀丁子告歸賦纏綿悽愴愁差互羈人逐客  
盡沾膺苦霧酸雲滿江樹瀟湘風雨淡迷離雲  
夢波濤起毫素仲宣蕭索罷登樓彈鋏歸來悲  
敝裘正平懷刺都滅沒青天白眼誰可投廿年

著娛齋詩集

癸虎續編

五十

采菑爛柯麓少陵老杜江頭哭乾坤許大莫能  
容嘆殺英雄無側足牢騷聊寄詩百篇傀儡倩  
澆酒十斛鹿門居士尚未歸峴首晴霞空復飛  
虎洲龍寺松菊在故園烽火願徒違只今結茅  
三洞側二皇赤松相拱揖徐湖仙澗鹿田芝鷄  
犬妻孥共嵐色太行一去三千里我亦有家歸  
未得兩眼青波俱黯然澤畔行吟共於邑

著娛齋詩集卷之十四

兩游志

上黨周再勲仲賜著

北山游

歲維辛巳月在中秋周子與客爰訂北  
山之游焉始赤松宮迄智者寺其間山  
橋闢鷄鹿田三洞皆次第流覽靡不策  
破皴煙展髡石面雖洞天神奧未能倉

著娛齋詩集

兩游志

一

卒探竒而靈宅嶽嵒頗亦從容領畧逢  
樵夫而問徑倩道士以前驅或看瀑聽  
泉或攀崖渡礮或於荆榛瓦礫訪碣尋  
碑或經竹塢桃源求漿覓食時或穿雲  
出岫覽雙谿明滅睨兩塔崢嶸城郭滂  
而微蒞山河忽然破碎時或窮幽涉幻  
如邁虎豹鬼神如聞雷霆風雨磧礧磊



落恍叱起之青羊石浪嶙峋儼輟畊之  
白鹿揖二皇於丹井謁徐公於僊湖跪  
玉女於芝田皈聖僧於鷲嶺雄心遽息  
濁骨頓輕至於神跡荒深融風冲粹松  
聲萬壑桂香滿山禮洞口則鶴唳朱霞  
源仙源則猿啼翠壁可謂入天台之路  
神骨俱迷廻武陵之谿物色難盡者矣

著娛齋詩集

兩游志

二

乃說者曰草湮鳥道人跡荒涼風圮叢  
祠空山寂歷是宜宏構用新雅觀不知  
凡踪絕而奧區之神蘊乃全俗境隔而  
名山之靈竒始現游人罕至品題無從  
想見鴻濛便是蓬島又何借雕甍繡柱  
污神霄之清虛俗羽庸縉溷上真之侍  
從也哉流連竟日陟降忘疲載奔欣欣

有客宿宿隨其所至各綴以詩用寄一日之迹云爾同游之客爲誰蘭谿祝子長康也與余齊齒癖嗜亦同因結山水之緣各賦游僊之句

### 赤松宮

瑤草松花舞道風清都難弟復難兄駢騎白雀青天外正想金爐紫氣中流水窅然從此去桃

著娛齋詩集

兩游志

二二

源恰爾近相通山資未足嗟霜鬢回首亡羊思不窮

一名竇積觀今所存者二皇仙祠耳觀之頽廢也久矣有小桃源相近

### 闔鷄巖

徐公祠畔兩崖齊約束山橋屬闔鷄金碧對排開繡闥翠微千尺上丹梯羽毛雄桀常思搏嘴距飛騰尚欲啼極目蒼茫秋點點登臨從此白

雲低

翠屏劃然中斷嶄焉如門徐公湖飛注奔流即從此口放出經赤松而達于谿旁有



徐公  
祠

山橋

恠石危撐仄練張奔雷怒雪跨飛梁神丁忽割  
青屏斷靚壑哀鳴碧玉長可比鑑湖私一曲尚  
聞宸藻爛千霜名賢韵事風流在何處林坡問

草堂

當闢鷄岩之中巨石秃兀如人之危坐而  
坦其腹瀑自腹上垂下聲撼山谷跨以石  
橋清流激湍蒼邃幽涼爲北山之最宋王  
荃罷樞密隱此理宗書山橋州堂四字賜

著娛齋詩集

兩游志

四

之

鹿田寺

星華雲母養芝田絳雪黃芽毓瑞燿玄圃長春  
游玉女琳宮花雨降金僊一犁開闢鴻濛界五  
穗耕耘混沌先辟穀未能凡腹餒青精欲乞大

羅天

相傳仙人宋玉女驅鹿以耕田有玉女墓  
墓上二樹不知其名甚奇

石浪

亂削雲根磊落生波稜洶湧復縱橫煙縠過雨  
濤增壯夜月流雲颯有聲累累皇牟羣飲嚙叻  
叻田鹿逐和鳴螺堆霞朶紛狼籍疑是冰壺盡  
結成

朝真洞

鶴唳丹青冷月波仙韶時復駐崇阿華陽清秘  
藏天地洞口春深長薜蘿扈甲五千飛霹靂瑤  
著娛齋詩集

兩游志

五

臺十二鬱差峩夜來絳節紛紛下知是羣真散  
玉珂

冰壺洞

瓊漿濫瀉下仙湖飛挹霞巵注一盃我調黝深  
同玉井人言瑩徹是冰壺綃宮清奏紆琴瑟地  
軸旋空轉輓轡却兩虬潛吸去化爲甘醴潤

人區

由雙龍攀緣而上可半里得一坪土人指曰此冰壺也乃是一坎跛而視之微見洞



口徐公湖伏流至此水簾瀑布忽現奇觀  
又暗穿雙龍洞而出水壺之義方豁然矣

### 雙龍洞

孟覆龕容數百人更留一竅透玄津龍宮自幻  
蜂螺殼水府仍旋地軸輪夜雨嘯唵驚寂歷秋  
風鱗甲動金銀二皇叱石防鞭起只恐聯驂上  
紫旻

### 智者寺

著娛齋詩集

兩游志

六

六朝遺跡梵王宮曾現毫光駐大雄慧炬直然  
昏海掣心燈獨炳萬緣空法中龍象梁樓約碑  
上煙雲陸放翁興廢迭更殊不一肯堂今復見

### 宗風

梁樓約武帝賜號智者國師辭還至谷口  
見白氣浮室遂建智者寺宋陸放翁手書  
碑記尚存寺久化爲荆莽住持道化創構  
一新可謂復元氣于無何有之鄉矣

### 晚宿道化上人精舍

踏破巉巖萬疊霞枯藤倦矣宿僧家松篁迷道

幽泉響鐘磬，裊裊秋風色。賒夜靜，擘香薰鼻孔。山  
空明月放精華，繩床偃仰何曾睡。喚醒塵勞念  
念差。

芙蓉峰

萬笏奔騰勢不羈，驟光忽斂結欽寄。半天突兀湧  
青苗，苗一郡同分翠。陸離骨氣高寒，回秀拔攀  
援絕，倚立孤危。誰云落落惟卷石，吐雨蒸雲無

著娛齋詩集

兩游志

七

盡時

三竺游

余旣於金華洞天爲采真御風之游，乃  
復於三竺靈山作啣棒轉輪之想。是歲  
十有一月之六日，天氣晴煦，風色恬和。

與陸子仁甫暨詵翼兩兒躡屐褰糧，提  
壺携韻，出清波門，掠南屏而西，放赤山。



之麓過于墓吊肅愍先生慨其忠而受  
禍仁以殺身樵採紛如丘隴不治爲之  
低回太息不能去云由是經黑觀音堂  
入靈隱寺其規制則宏桀以結構則雄  
麗湖山之斜櫛比鱗次而靈隱淨慈猶  
見本來面目尚存漢官威儀淨慈有阿  
羅漢五百尊靈隱亦然金幢寶塔錢武

著娛齋詩集

兩游志

八

肅之經營飛錫開山僧慧理之締造其  
正對寺門者曰冷泉亭亭面飛來之陰  
俯石門之礪堆青疊綠古恠玲瓏畧坐  
石欄呼童小酌但覺森涼沁骨葱蒨撲  
衣不可以久居過橋至峰下穿窈窕竅  
噴峴已乃捫峰腹而入螺旋虺折孔竅  
互通心境空明趾不附地見非從地湧

出似是海外飛來故以此得名也惜爲  
楊髡召俗工徧鑄佛菩薩襍以已像粗  
劣醜惡將一副金剛不壞骨憑空鑿損  
其罪不減於伐宋諸陵矣峯上多異木  
不假土壤根生石外丹葩翠蕤蒙翳聯  
絡者冬夏常青其鎮靜如叅清淨法身  
其透露如證無上知慧其矯騰掀舞如

著娛齋詩集

兩游志

九

蹲白象青獅其曳荔牽蘿如披香衣瓔  
珞在天竺當以靈隱爲先在靈隱復以  
飛來爲最耳由峰轉而南曰下竺再溯  
澗而右曰中竺皆平平無他竒大約僧  
俗雜揉肆屢紛沓旣疑凡而疑聖亦半  
市而半山路轉峯迴屏開嶂合遂得上  
矣竺寺稽首大士悲痛投誠叩寶鬘而



飯依禮慈容而懺悔殿覆雲雷之氣鈴  
翻海潮之音發竒木之神光奔走千年  
血氣灑楊枝之甘露膏潤火宅焦枯分  
如意珠現救苦相香烟不斷慧炬常明  
罄赴雲歸迄無虛晷自晉唐歷今未之  
有改也旣入辟疆之園日共維摩之榻  
泉聲竹籟魂夢俱清獨是永夜鐘磬寂

著吳齋詩集

兩游志

十

然雲房唄呪俱絕蓋禪和子方以居停  
爲因果以治具爲資糧結歡喜緣不遑  
它矣夫洞天烟荒石老但覺神全天竺  
軫接鑣聯反將真掩豈山川之顯晦有  
肯抑禪真之靈通各別也晨興盥漱畢  
折北山而歸觀玉泉之魚瞻紫陽之院

臨初陽之臺登保叔之塔觀止矣維時

玄冥歛凍海若驅寒冷翠淒妍煖烟淡  
汗游以冬日已奇冬復遇晴更快漫枯  
沈韻聊寄短章

拜于肅愍公墓

轉旋曾倚補天功事濟君靈詎恤躬碧血當年  
殉社稷青山此日哭英雄時窮節義方能見論  
定雌黃豈是公仰止南峰同北斗歲寒松柏表

著娛齋詩集

两游志

十一

孤忠

靈隱寺

精藍遙枕北高峰两礪橫橋鎖二龍塔影動搖  
滄海日天香飄落上方鐘唄音喚醒三生石靈  
籟圓通九里松獨有飛來一片綠當門常現玉

芙蓉

寺有石塔四爲吳越王所建峯頂有靈鷲  
塔其支出者爲月桂峰宋之問詩樓觀滄  
海日門對浙江潮桂子月中落天香雲外  
飄白樂天詩東礪水流西礪水又上界鐘



聲下界  
聞是也

冷泉亭

翠壁紅泉宛一方陰陰常是水雲香游鱗揚鬣  
聽靈梵渴鷲翻身飲鑑光到此源流俱了澈坐  
來心地忽清涼林紋竹色都無染功德蓮花刻

漏長

池有放  
生魚

飛來峰

著娛齋詩集

兩游志

十一

竒骨峻嶒舞翠濤一拳花霧散嵐膏神州浮玉  
無根蒂大海迴風刷羽毛陰洞玲瓏穿九曲石  
稜礮落挿孤高身輕祗恐還飛去恠樹蟠藤鎖  
曳牽

下天竺

飛來側轉得巖阿兩寺雲光共一螺塔影擘蓮  
分現相鐘敲隔嶺逾傳過翻經臺上千花覆月

桂峰頭積翠多爲問茫茫圓澤事身前身後竟

如何

飛來峰界在靈隱天竺之間白樂天詩兩寺元從一寺分是也相傳謝靈運爲兜時

翻經於此圓澤事見坡仙傳

中天竺

稽留峰下草花薰  
流水潺湲鎮日聞  
游目到門因得半  
諸天此刹欲平分  
山光鳥性俱能悅  
雲定猿心不駭羣  
上竺金龕應咫尺  
香煙遙望已

著娛齋詩集

兩游志

十三

細縷

上天竺

重青疊綠砌金扉  
一壑烟嵐山四圍  
寶紉適當屏嶂合  
雲堂俱向翠微依  
泉香苦竹霜無恙  
楓老空林葉亂飛  
纔到上方心便靜  
風聲鳥語盡

禪機

其二



辨師曾此演真詮卓錫名山十九年贈答嘗煩  
蘇學士登臨遙想李青蓮慈雲時覆兜羅白法

雨宏開海若天半偈欲叅忙未得不如且飲大

悲泉

晉天福間僧道翊見瑞光發前欄得奇木  
刻大士像至後漢僧從勳莊嚴舍利遂書  
放白光禱雨輒應金人入臨安知其始未  
載徙而北今實非其故物也李太白與侄  
良魯游此有詩嘉祐中辨才大師住錫十  
九年與坡公友善至今香火之盛絡繹無

虛日而祈禱

猶著靈驗云

著娛齋詩集

兩游志

十四

宿善權上人白雲房

空山新月挂茅簷小閣烘鑪炭自添雲水忽逢

因共話機鋒偶逼漫相拈旗鎗龍井春芽馥蕨

筍僧厨堊飯甜睡醒泉聲來枕上滌人魂夢戒

精嚴

玉泉寺觀五色魚

逶迤山徑轉藍輿堊寺來觀五色魚香水琉璃

稱極樂錦鱗游泳見真如苔荒細雨龍王廟塵  
汚金幢帝釋居滿目蒿藜僧一箇禪房寥寂磬

音疎

南齊僧曇超說法于此龍王來聽爲之  
掌出泉遂建龍王祠游人至今指二則泉

珠累累逆上池中五色魚藍者更屬罕見  
殿後復有泉水面津津若雨點故名細雨

紫陽書院爲朱文公祠在初陽臺畔今廢

荒臺一抹莽煙平俎豆千年想肅清當日壇壝

原廣大至今氣象尚高明經筵得力惟誠正提

著娛齋詩集

兩游志

十五

舉流風自景行幾爲低徊延不去依稀還聽誦  
絃聲

初陽臺葛仙翁曾吸日精月華於此

木落孤山埜鶴迴手拖筇竹共登臺海天雲物

微茫見日月精華爛熳開仙井霞封瓦礫丹

壚火燼已蒿萊魄旌羽節知何處始信乾坤有

劫灰



何叔塔

紆盤磴道響風鈴塔畔摩挲看落星千仞直教  
塵下界一杯真可了西泠浙江天外啟拖練堞  
郭雲間盡繞青危立獅峰雙白眼荒荒海日漾  
浮萍  
咸平中僧永保脩此塔目背復明人呼保  
叔塔後為獅子峰落星石凡二一在塔畔  
一在看  
松臺下

著娛齋詩集

子志

十六



卷下界一... 西泠... 浮萍... 風鈴... 塔畔... 摩挲... 看落星... 千仞... 直教... 塵下界... 一杯... 真可了... 西泠... 浙江... 天外... 啟拖練... 堞郭... 雲間... 盡繞... 青危... 立獅... 峰雙... 白眼... 荒荒... 海日... 漾浮... 萍咸... 平中... 僧永... 保脩... 此塔... 目背... 復明... 人呼... 保叔... 塔後... 為獅... 子峰... 落星... 石凡... 二一... 在塔... 畔一... 在看... 松臺... 下

